

Na osnovu Zakona o koncesijama – Prečišćeni tekst (“Službene novine Zeničko-dobojskog kantona”, broj: 5/03), Odluke Vlade Zeničko-dobojskog kantona o pristupanju provođenja procedure dodjele koncesije broj: 02-21-9524/20 od 09.06.2020. godine i Odluke o izmjeni Odluke o pristupanju provođenja procedure dodjele koncesije Vlade Zeničko-dobojskog kantona broj: 02-21-10838/20 od 26.06.2020. godine, za eksploataciju prirodne vode iz vodozahvata „HLADIVODE“, na parceli označenoj kao k.č. 1993 u K.O. Tršće i k.č. 2063 u K.O.Vukanovići, općina Kakanj, Ministarstvo za poljoprivredu, šumarstvo i vodoprivredu raspisuje:

JAVNI POZIV

I Predmet koncesije

Predmet koncesije je eksploatacija prirodne vode iz vodozahvata „HLADIVODE“ izdašnosti $Q = 0,2375$ l/s, sa dubine cca 2,00 m, općina Kakanj.

II Pravo učešća

Pravo učešća na ovom javnom pozivu pod jednakim uslovima imaju domaća i strana pravna lica, osnovana ili registrovana u skladu sa zakonima Federacije BiH.

III Vrijeme na koje se daje koncesija

Vrijeme na koje se daje koncesija je 30 (trideset) godina, računajući početak eksploatacije prirodne vode iz vodozahvata „HLADIVODE“, općina Kakanj.

IV Opći eliminatorni uslovi za dodjelu koncesije

IV.1. Osnovni zakonski uslovi:

Privredno društvo koje je ponuđač (u daljem tekstu Ponuđač) u postupku dodjele koncesije biće isključeno iz daljeg postupka dodjele ako ne dostavi:

- a) Studiju ekonomske opravdanosti dodjele koncesije sa procjenom u cilju zaštite okoliša i Idejni projekat.
- b) Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije.

IV.2. Lična i profesionalna sposobnost

Ponuđač u postupku dodjele koncesije biće isključen iz daljeg postupka dodjele ako ne dostavi:

- a) Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine).
- b) Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije.
- c) Uvjerenje nadležnog organa o izmirenim javnim prihodima (porezi, indirektni porezi, doprinosi za MIO/PIO i plaćenju koncesionoj naknadi).
- d) Aktuelno rješenje o upisu u sudski registar.

IV.3. Ekonomska i finansijska sposobnost

Ponuđač u postupku dodjele koncesije biće isključen iz daljeg postupka dodjele ako ne dostavi:

- a) Izvod iz jedinstvenog registra računa Centralne banke BiH o svim računima ponuđača.

- b) Potvrda poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

Dokazi iz tačke IV se dostavljaju u originalu ili ovjerenj kopiji i ne mogu biti stariji od 3 mjeseca računajući od dana dostavljanja ponude.

V. Posebni kriteriji za ocjenjivanje ponuda

Posebni kriteriji za izbor najpovoljnijih ponuda za dodjelu koncesije za crpljenje, zahvatanje i flaširanje izvorske i mineralne vode su:

- Minimalni iznos tekuće koncesione naknade je 1,5 % od ukupnog godišnjeg prihoda ostvarenog korištenjem koncesije, a najviše po ovom kriteriju:60 bodova
 - Minimalni iznos jednokratne koncesione naknade za eksploataciju vode iznosi 1,5 % od ukupne investicije (361.232,00 KM) iznosi 5.418,48 KM (slovima: pethiljadačetiristotineosamnaest i 48/100 KM), a najviše po ovom kriteriju:..... 30 bodova
 - Učešće domaćih privrednih društava u izvođenju radova, koje će koncesionar angažovati je minimalno 50 %, a najviše po ovom kriteriju:.....10 bodova
- UKUPNO: 100 bodova

VI Postupak izbora najpovoljnije ponude

Izbor najpovoljnije ponude izvršiće Komisija za koncesije u skladu sa važećim zakonima, propisanim kriterijima i odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03).

VII Studija ekonomske opravdanosti i Idejni projekat

Ponuđač je obavezan izraditi i uz ponudu dostaviti projekat za objekte u funkciji korištenja predmeta koncesije (vodozahvat, cjevovod, objekat – punionica vode sa pratećim instalacijama), najmanje na nivou Idejnog projekta i Studiju ekonomske opravdanosti koncesije sa procjenom u cilju zaštite okoliša.

VIII Potrebna dokumentacija uz ponudu

Ponuda treba da sadrži:

1. Naziv i adresu ponuđača.
2. Aktuelno rješenje o upisu u sudski registar.
3. Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine).
4. Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije.
5. Uvjerenje nadležnog organa o izmirenim javnim prihodima (porezi, indirektni porezi, doprinosi za MIO/PIO).
6. Izvod iz jedinstvenog registra računa Centralne banke BiH o svim računima ponuđača.
7. Potvrda poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.
8. Ovjeren i potpisan originalni obrazac za ponudu sa ponuđenim svim elementima koji se boduju.
9. Popunjen, ovjeren i potpisan obrazac za povjerljive informacije.

10. Spisak stalno zaposlenih u firmi ponuđača.
11. Dokaz o izmirenim obavezama po postojećim koncesionim ugovorima.
12. Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije (zemljišnoknjižni izvadak za predmetne parcele).
13. Studija ekonomske opravdanosti dodjele koncesije sa procjenom u cilju zaštite okoliša.
14. Idejni projekat.
15. Izjava o opciji ponude, koja ne može biti kraća od 6 (šest) mjeseci.

Ukoliko ponuđač ne dostavi svu traženu dokumentaciju ovog javnog poziva, biće eliminisan iz daljeg bodovanja.

IX Preuzimanje tenderske dokumentacije

Tenderska dokumentacija se može preuzeti svakim radnim danom od 9,00 do 15,00 sati u Ministarstvu za poljoprivredu, šumarstvo i vodoprivredu Zeničko-dobojskog kantona.

Preuzimanje tenderske dokumentacije vrši se uz prezentaciju dokaza o uplati naknade za učešće na javnom pozivu u iznosu od **1.000,00 KM** (slovima: jednahiljada konvertibilnih maraka), bez prava povrata, koju je ponuđač dužan uplatiti na račun broj: 134-010-000000-1672, kod ASA Banke d.d. Sarajevo, vrsta prihoda 722631, Budžetska organizacija 2301001, Grad Zenica 103, a primjerak uplatnice priložiti uz ponudu.

X Rok za dostavljanje ponuda

Rok za dostavljanje ponuda je 30 (trideset) dana od **zadnjeg** objavljivanja ovog javnog poziva, koji će biti objavljen u "Službenim novinama Federacije BiH", dnevnim novinama „OSLOBODENJE“ i na web stranici Zeničko-dobojskog kantona.

Ponude podnesene poslije ovog roka neće biti razmatrane i vratiće se neotvorene na adresu ponuđača.

Sva dokumentacija uz ponudu mora biti na jednom od službenih jezika u Bosni i Hercegovini.

Zapečaćena ponuda dostavlja se na adresu:

ZENIČKO-DOBOJSKI KANTON

Ministarstvo za poljoprivredu, šumarstvo i vodoprivredu

“Ponuda za javni poziv za dodjelu koncesije za eksploataciju prirodne vode iz vodozahvata „HLADIVODE“, općina Kakanj“ - NE OTVARATI

Kučukovići br. 2

ZENICA

XI Otvaranje ponuda

O terminu javnog otvaranja uredno prispjelih ponuda ponuđači će biti naknadno obaviješteni.

Javnom otvaranju ponuda mogu prisustvovati svi zainteresovani.

Sve dodatne informacije u vezi sa ovim javnim pozivom mogu se dobiti u Ministarstvu za poljoprivredu, šumarstvo i vodoprivredu, na telefon 032 460-750, 460-748, fax 032 460-752 ili e-mail adresi: min.poljoprivreda@zdk.ba

